

উ
ষ
গ



মদনমোহন মুখোপাধ্যায়

মদনমোহন মুখোপাধ্যায়

ঐ

ত

গ

বিষ্ণুপ্রিয়া মণিপুরী সাহিত্য পরিষদ

হুগলভাড়া : কাছাড়

সূচী :

ঠাইগ	১
মার্তারায়	২
মন-পাহিয়া	৪
এবাকা এপেই	৭
জিনার এলা	৮
ভৌ পড়লু	৯
খালপারর কাঙ	১০
এমারি মাঘং মি	১২
মাতাম আইনে	১৩
হেইচা	১৪

৩চন্দনায়ে
৩চয়নরে

তোমায়ে মি বানা পাছিলু
বানা পেয়া
লুংশি পেয়া
তোমায়াং 'ঠইগ'রে দিলু।

মদনমোহন মুখোপাধ্যায়

ঠাইগ

মোর ঠাইগ তি,
মোর এলাহান তি,
তোরকা বুলিয়া জীবন এহান
মাংকরেছ মি !

তোরকা বুলিয়া বিভূলাগ,
মাহুৰাংতে পাগালাগ,
অইলৌ মোর তি ডাঙর ঠাইগ
মাহুয়ে হাপাছি—
তোরকা বুলিয়া জীবন এহান
মাংকরেছ মি !

মোর আশাহান তি,
মোর ভরসা তি,
যাগ্‌গা জীবন দুঃখ কিতার—
কাত্‌করেছ মি !

আজিও দুঃখর জিয়ে পুড়িয়া
ছালি অয়া যাংগা মরিয়া
তোরকা বুলিয়া মরে পার্লে
স্বৰ্গ পেইতৌ মি—
যাগ্‌গা জীবন দুঃখ কিতার
কাত্‌করেছ মি !

নার্তারায়

নার্তারায়

তুমি নার্তারায়

যে ঠারহান ইমায় মোরে আতুরি হেজাৎ

নিদ্ধা নিদ্ধা বয়া বয়া কাদাৎ কাদাৎ

দ্ব'আহির ইসারান মুখসিল মাতেয়া

পঞ্চপ্রাণহান ঠই হাতগি দিয়া

মাতুয়েইল 'ইমা' বুল—বাগা দিল 'ইমা'

ইমার চুংশিপা ঠার মোর 'বিষ্ণুপ্রিয়া'

খাপাকালি লওল যেকনা করিয়া

খোনাৎ টিপা দিয়া

মারানিহান—মাংকরানি

মিমুত্ করানি—

নার্তারায়

তুমি নার্তারায় ।

নার্তারায়

তুমি নার্তারায়

গারিগৎ রকতর বিন্দু আগ থাইতে

নার্তো—নার্তো—লেপইলু মি 'বিষ্ণুপ্রিয়া'রেতে

বুদগৎ যদি গুলি কররায়

আহি-দ্বগি মাময়া আহের

জুহান জুবরা করিয়া

যদি কাপরায়—

নার্তারায়

তেবো নার্তারায় ।

মার্তারায়

তুমি মার্তারায়

রকত্‌ল মি ইকরিয়া যিতৌগা পুঙ্খক—

উতি খঙয়া খঙয়া মোর এরে-করপাখ :

মোর রকতে জরম অনার্কি

মোর সাদনে এলা দেনার্কি

দিন লেহেয়া পটে পটে অছি

দিন রাতি বাছেয়া অছি

মোর রকত্‌ল তানোরে ঙ্‌ক করিয়া

মোর রকত্‌ল তানোরে বরেয়া

পটা দিয়া মোর গৌরাঙ—হাচুরা দিয়া যিতৌগা য়েবাকি

হুঙ্পাং মরণহান মোর হোনার অঁহি পালয়ঁতে উবাকা ।

মন-পাহিয়া

হে মন-পাহিয়াগ মোর ! এপেই নয়ক
 বাউটার বুলানি আর । হন—
 রঙের মুখসিং তুলিয়া বিভ্রাণ অয়া
 ফুলর এ জীবনরে মাংকরানি নাক !

ঠুনিংস্বায় ভুঙেছে তুলিয়া
 টিপ্ টিপ্ অঁচে অঁহির পানিয়ে
 কৌলির তাসেল বিদ্যা হয়
 রকতর হিনাহিনি আমার জিনায় !

কেথকর সের বেচিয়া কোন লাভ নেই—
 আলাং-নৌআং-মালনির কদরও নেয়োর
 মনর কথার যদি কুঞ্জবনে তার—
 হোনার কামর লগে লুহোং নাদর ।

হাক্থানাদে আকথুম্ হেইরাপ চা’—
 দিন গুজুরা-বিলকানির পর-পরল্লৈই
 তাম্রাতামিহানে হাবি ঠই থুক্‌থুকার
 অকরেছে যেবাকাত হেরহান বুলিয়া নেই !

মুড়র গজে বোম্ ফুটের । আর হাক্থানো
 পড়িং-পড়িং-পড়িং বুলের । পড়তয় হে পাউরি—
 হারো অয়া নংলেই আহের ইচুদিনর মা’
 দেহা পেয়া বোঁ-বরণ ভস্ম সাজারার...

অর্তে...এরে বোঁ-বরণ —বজ্জরো পড়তয়
 মুড়গ কোম্পেই লুকেইতেই তি । থানিস্বারাকা ।
 বজ্জরোর গুলি থেয়া যদি পাথ্ ভাগের—
 আজি ফর্দে । ক্ষেতি নেই । কালিকারও গতি নেই থাক—

পড়ানিকা চীকারি দেব আট্টিংগার হাক্‌হান ।
হার্পেয়াও না জিরার কিয়া—হে পাহিয়াগ মোর !
আজিকারো ফর্দানির-এ নুঙেই-নুং-তাল্ল—
বাকী আছে দিন উতার থোরাকী মায়বগা ।

হে বাউটা পাহিয়াগ মোর । অচেতন নায় ।
দিন যার্গা । হোভা নেই দুর্দিন আহের...
কোয়াকা বাম্ হংকর্তেয় । বামর নাং নেই ।
কার বামে তি এলা দিতেয় । থাম্‌তা মনেইলে —

কট্‌কিনায় কোলিগালিয়ে আনিকা দুনিয়া । অক ক্ষেতি নেই ।
এলা আর প্রেমতে আছে নায় ! হাক্‌খানাতে ঠক্‌ঠকামি-য়াম্ ।
উহানল বাম্ হংকরাণি আনিকার হাদিত্,—
হাকে ফর্দামিরাংততে হোভা এহানেই !

যেগর জীবন বুলিয়া জীবন আহান আছে
কিন্তু যদি জিনা বুলিয়া কোন জিনা নেই—
ঐ জীবনর অর্থ কী-তা : কোন কলে মিল থওয়ানি ছাড়া
: মরুভূমি সাহারার জিগ পারা লেঙোর জীবন !

পৃথিবীর কোণ্ কোণ্ কাঞ্চেলেন্দে
ঘুমর রাজত্ব নেয়াও আছে—
রাতিকার পাহিয়া হাবি নোয়া দিনর্কা
নোয়া বাম্ হংকরানিত মুডখুল্লি দেছি ।

ইমাম্‌মাম্‌ রাতিহান । বৌ-বরণে পরল্লেই । অক ।
না ডরপেয় মন-পাহিয়াগ । বাউটামি হে উড়া বেলা দে—
হোভার নোয়া জিনার এলা পঞ্চম স্বরে গেয়া
জিনায় জিনায় ঘুম ভাগানির য়েইগ বহাদে !

হে মন-পাহিয়াগ মোর । কান পাতিয়া ছন—
 মুণ্ডেদেস্ত এলা মিঙালর । সময় আহিল ।
 মেইখুগ-অ' ঠইগর নোয়া বাম্ হংকরানিত্,
 নাইলে রাতি ফুয়েইল্‌কোপুরি বুয়র কাঁদন দিতেই ।

এবাকা এপেই

হুপনে হুপন দেহিয়া মরাঙ্‌কানার দিন—
লালো যার্গা। মিকুপহান। মিহল নৈয়েল।
দানদহিনার খেলতাম্‌হান। এবাকাও একীন—
যদি না'র পৃথিবীহান তোরাংত খেয়েল।

চানাপ্পা হার্পে ইছ ঠইগ, মুডগ নঙেরা
বুগ এহান তঙান অইল। ইম্পানিগ অয়া—
নিজুব মারলে মাঙেইতেই কুরুমুয়া।
রুহিবুতি কানা নায়ব কিয়াকতি থায়া—

যেবাকা মেলতেই অঁহি। তোর অওনাহান।
ভজিহানল মুক্তিপানা। কারেন্‌ ওহামেই।
এবাকা এপেই চলের কুরুফেত্রহান।
মরনো লাভ। জিঙনো লাভ। ফেতি কিত্তাউ নেই।

ঘরনাংটুমে বিধা দেছি তেলচরার লন্‌করা জিনা—
মারাঙ্‌ কাদিলেও নায়ব ঠইগ, হোভায় বি'দিন থানা।

জিনার এলা

ঝাড়হানে জিঙ্‌লবে মাহি
বসন্তহান ডিলনিতে নেই—
বসন্ত আনার আগে
জিনা হংকরিং !

বতো ঙ্গল পৌ পেয়া
এলা লেংকরাং—
জিনার এলা লেংকরানিৎ
মুড়খুলি দেহু ।

কোকিলরে জিংতো নাই
হুপনহান নাগই :
উহানল জিরানি নেই
কিত্তি কুরুম নায়া—

এ হুরুম জিঙ্‌ং বুলিয়া
মেইথি অয়া কতো—
দিনরাতি ইচুদিন
নাপয়া আছু !

ঝাড়হানে জিঙ্‌লবে মাহি
বসন্তহান ডিলনিতে নেই—
জিনার এলা গেয়া গেয়া
জিনা হংকরিং !

ভৌ পড়নু

আকদিন অইলৌ তোরে বানা পেয়া
যেবাকা যৌবন-রঙ-মাতামর আঁহির টুকন
হোনার ছারিক খেল —

মিঙালর এলা দিয়া
ফুলগ পারা ঠইগ কাতকনু
বুলন দিয়াও না চা' দিয়াদিলে—

নিংশিং অয়া কানা নেই—
আঁহির পানি আঁহিং ছকিয়া থাক ।

মৌরাঙর মিঙালর ঠৌরাঙ্ যেপেই
হোভায় ডগাং ভাগের
আঁধারহানে চানাপা গিলক—

বেলি গিরক,
না কান্দি—না কান্দি.....
আঁধারহান আছেহানে ভাল—
মাকুর নয়ান ছগিং
মিঙালহানতে য়েকুনাপার বুঝুঝু লেভৌ !

আকদিন অইলৌ তোরে বানা পেয়া
লালয়লু-মি । ঙাক্ করে দিয়াদিছ—
: কোকিল আগর লুংশি রহানিল
যৌবন-রঙ-মাতামর বসন্ত নাহের !

খালপারর কাণ্ড

খালপারর কাণ্ড—

যিতেগাতে আকতা অয়া

আলহিতে ঠাং ঠাং ।

কাণ্ডর দিনে হারৌ অয়া

লেকা মারূপ থম করিয়া

আকতা অয়া সাজেল করিয়া

খালপারর কাণ্ড—

তিলইলাহা-তিলইলাহা

হাকি হাতো গাণ্ড ।

মোনাহা পুরি জেলেই

সৌ থকে বহকলকেই

সৌ-সুমারা গাওরাপুয়েই

ঘর ফুকয়া গাণ্ড—

মন আস্তলের-আস্তলেছে

খালপারর কাণ্ড ।

বরণ আহিল বাম্ বামেয়া

সৌ-সুমারা কোজিয়া অয়া

তিড়িয়া তুড়িয়া থিট্‌খিড়িয়া

থুর থুরার আতজাণ্ড—

অরেনারে বিভূত অয়া

খালপারর কাণ্ড ।

বেলি হমেইল অঁখার অরা
 বরণ হানৌ না এড়িয়া
 খংকুল খোজা কিতাউ নায়া
 খালপারর কাঙ—
 মিঙেগাতে আকতা অরা
 আলইতে ঠাং ঠাং ।

এমারি মাঘৎ মি

এমারি মাঘৎ মি—

শিলঙেদে আকপাক আহেছিলু।

ঝাড়র তাসেল বিধিয়া

আঁহির পানিয়ে ডল্ডনেয়া

রৌ মেলিয়া কাঁদিরী কপাল-

অস্বকপারোথিপি বন-উসাল

আঁহিগিল না দেহানি

মনেয়াওঁ কিস্বাকা দেহেছিলু

এমারি মাঘৎ মি—

শিলঙেদে পেইরাক আহেছিলু।

খৌরাঙল হংকরা মোর

ঠৌরাঙর জিনাঘর

ভাগতৈ বুলিয়া নিং-না করেছিলু—

ঠুনিংস্বার বৌ-বরণ

কোরাঙ্কার কী মরণ

এহান আইব খাল্-না করেছিলু।

খুটৌনাটৌ লয়লাটর

এসাদে মরণ মোর

আকখুলাগ জিংতা মরেছিলু

দেহিয়াওঁ না-না দেহেছ

ছনিয়াওঁ না-না ছনেছ

আঁহির পানি আঁহিং ছকাছিলু।

ঝাড়র তাসেল বিধিয়া

বন-উসাল রৌ মেলিয়া

কাঁদতে মিতে লগে কাঁদেছিলু

এমারি মাঘৎ মি—

শিলঙেদে আকপাক আহেছিলু।

মাতাম আইলে

১৩

ফুল সাদনির মাতাম্হানাং যে ফুলগ বাঙিল
ঔ ফুলগর আঁহির পানি আজি পেয়া মোর
মনহানাত না সেচের। ঠুনিংখায় নঙিল
খাল করানি। ঔলিজৌলি মন। হুদিগর—

কোণে কোণে কাঞ্চেনেদে ভৈচান-বৌ-বরণ
লড়ক্খড়ক্ থল্‌পি থলক্ এবাকাঔ করে
মরণ-বারণ। হাজার আইলৌ এসাদে মরণ
ডগাং ভাগানি'হান পারা বুক শকরের !

এহরম এসাদে নাক। কুড়িত্ বাঙানি
মাতৌ-মারাঙ-হারৌ-পিয়ং-মুখসি-মাখসির খেল
ভ্রমরাগই অকরক নোয়া এলা অরানি
জিনা হংকরাণিং আহক মারাঙ্কায়া ফুলে !

ফুল সাদনির মাতাম্ আইলে তোমারে ডাকতৌ—
চেয়ঃ নাভৌ ফুল বাঙানি— মরলৌ মি মরতৌ !

হেইচা

ফুলর বসন্ত আইলে তোর—
বার্তন মোরে না থিংকরেদিছ !

আজিকার ভ্রমরাগ ঔদিন পেয়া
ঔদিনকার এনা দিতেগা—
তানতাজার খোঁগালেনল য়েকরা ধল্লিক
লেইলেক চুমনা'র যদি—
তাথি না করিছ,
বানা পেইছ—
বানা পেয়া চুম করে দিয়াদিছ,
ফুলর বসন্ত আইলে তোর—
বার্তন মোরে না থিংকরেদিছ !

ফুলর বসন্ত আইলে তোর—
বার্তন মোরে না থিংকরেদিছ !

তোর ঔ বসন্ত দিনে মোর—
ফারাখির ফিটা পেইতৌ বুলিয়া
নিংকরতেগা চিংনা চিংনি ডর
হমারু প্লারিগ বুজিয়া—
তেবো তোরে হেইচা করুরি :
নিংহান নেয়লেঔ নাতে পাহরিছ,
ফুলর বসন্ত আইলে তোর—
বার্তন মোরে না থিং করেদিছ !

মদনমোহন মুখোপাধ্যায়ের লেংকরা

নাটক
রূপায় মৌতুপ
লয়লাটি

পয়লা সংস্করণ

মহালয়া

১৩৭২

দাম—৫০ পয়সা

প্রকাশক :

মহেন্দ্র মুখোপাধ্যায়

কলকাতা : কাছাড়

রামসেনা সিংহরেল

প্রতিমা প্রেসে প্রচাপিত।

বিষ্ণুপ্রিয়া মণিপুরী সাহিত্য পরিষদ।